

## PERSONALIA.

**L** Ine solche beständige Freundschaft ist auch gewesen zwischen den HERRN Jesum/ vnd vnsern ach recht wol vnd sanfft schlaffenden Wittschwesterlein/ des Ehrwürdigen/ Achtbarn vnd wolgelarten Herrn M. Ieremix Hickmans Pfarrers vnd trewen Seelsorgers allhier/ vnd seiner geliebten Haußfrawen/ Fraw Barbaren/ des auch Ehrwürdigen Achtbarn vnd Wolgelarten Herrn M. Zachai Fabri senioris jetzo Pfarrers zur Hohenleien viel geliebten Tochter/ sehr vnd hertzlich lieb gewesen Töchterleins.

Die Freundschaft hat sich nicht allein entspunnen/ da der HERR Jesus das selige Kind in Mutterleibe gebildet vnd aus Mutterleibe gezogen / welches geschehen zu Francenaw nahe bey der Wittweide / am 11. Nouembris Anno 1619. sondern sie hat sich allermeist angefangen da sie folgendes Tages getaufft worden/ vnd nach der Fraw Mutter vnd andern Schwestern Anna Barbara genennet worden/ da ist der HERR Jesus recht mit ihr bekandt worden/ vnd hat sie vber alle massen lieb gewonnen / ihre Tauffpaten sind gewesen/ die Erbarn vnd Ehrntugentsamē Frawen/ Fraw Maria Herrn M. Amrosij Polentzij jetzo Superintendentis zu Rochlitz selige Haußfraw/ vnd Fraw Maria Herrn M. Jacobi Danielis Starcken jetzo Pfarrers zur

